

genuoc in mîner mâze hô.  
 daz müet die nideren. ob mich daz iht swache?  
 die biderben hânt mich deste baz.  
 der werden wirde diust sô guot,  
 5 daz man inz hœhste lóp sol geben.  
 ezn wart nie lobelîcher leben,  
 swer sô dem ende rehte tuot.

.Aesi ablid was eweweg ab  
 die hîfêre? nein.  
 das es verlosz manne unde schin  
 mit bîde ob ich bekœrket bin  
 sô ist mich sô hî dè rîb ni  
 das wir ein ander vinden tœ  
 wan ich muoz aber wider in

Welt, ich hân dinen lôn ersehen:  
 swaz dû mir gîst, daz nimest dû mir.  
 10 wir scheiden alle blôz von dir.  
 scham dich, sol mir alsô geschehen.  
 ich hân lip unde sêle (des was gar ze vil)  
 gewâget tûsentstunt dur dich:  
 nû bin ich alt und hâst mit mir dîn gampelspil:  
 15 ist mir daz zorn, sô lachest dû.  
 nû lache uns eine wîle noch:  
 dîn jâmertac wil schiere komen,  
 und nimet dir swazt uns hâst benomen,  
 und brennet dich dar umbe iedoch.

*Wackern. Hauptz. 2. Aufl. 6, 155.*

20 Mîn sêle müeze wol gevarn!  
 ich hân zer welte manegen lip  
 gemacht frô, man unde wîp:  
 kûnd ich dar under mich bewarn!  
 lobe ich des lîbes minne, deis der sêle leit:  
 25 sî giht, ez sî ein lûge, ich tobe.  
 der wâren minne giht si ganzer stætekeit,  
 wie guot si sî, wies iemer wer.  
 lip, lâ die minne diu dich lâ,  
 und habe die stæten minne wert:  
 30 mich dunket, der dû hâst gegert,  
 diu sî niht visch unz an den grât.

*Wackern. Hauptz. 2. Aufl. 6, 154 anm.*

*Simeone 1, 214.  
Hauptz. 2. Aufl. 6, 157.  
Renner 307g.*

Ich hât ein schœnez bilde erkorn,  
 und owê daz ichz ie gesach  
 ald ie sô vil zuoz ime gesprach!  
 35 ez hât schœn unde rede verlorn.  
 dâ wonte ein wunder inne: daz fuor ine weiz war:

*Wackern. Hauptz. 2. Aufl. 6, 152.*

*Simeone 1, 116*